

CENTRALNA BANKA
BOSNE I HERCEGOVINE
Broj: UV-150-01-1-~~2234~~-12/19 ŽB
Sarajevo, ~~04.08.~~ 2019. godine

Na osnovu člana 70. stav (1) i (3) Zakona o javnim nabavkama (Službeni glasnik BiH, 39/14), člana 49. stav (2) Pravilnika Centralne banke Bosne i Hercegovine, broj: UV-104-01-1-116/15 od 28. decembra 2015. godine i člana 13. stav (2) Pravilnika o javnim nabavkama, broj: UV-122-01-1-11/18 RJ od 30. januara 2018. godine, Upravno vijeće Centralne banke Bosne i Hercegovine na 10. sjednici od 27. augusta 2019. godine, donosi

O D L U K U

o izboru najpovoljnijeg ponuđača u postupku javne nabavke robe – firewall za Data centar

Član 1.

Centralna banka Bosne i Hercegovine (u daljnjem tekstu: Centralna banka), ugovor za nabavku robe – firewall za Data centar, dodjeljuje ponuđaču KING ICT d.o.o. Sarajevo.

Član 2.

Ponuda ponuđača iz člana 1. ove odluke glasi na iznos od 170.939,00 KM bez uračunatog PDV-a (slovima: stotinusedamdesethiljadadevetstotinatridesetdevet konvertibilnih maraka i 00/100) odnosno

199.998,63 KM s uračunatim PDV-om

(slovima: stotinudevedesetdevethiljadaidevetstotinadevedesetosam konvertibilnih maraka i 63/100)

Član 3.

Centralna banka će, po sticanju uslova za zaključenje ugovora na osnovu Zakona o javnim nabavkama, s izabranim ponuđačem iz člana 1. ove odluke, zaključiti ugovor, za čije se izvršenje zadužuje Odjeljenje za informacione tehnologije Centralnog ureda Centralne banke.

Član 4.

Centralna banka će o rezultatima provedenog postupka javne nabavke obavijestiti ponuđače.

Član 5.

Za realizaciju ove odluke zadužuju se Odjeljenje za računovodstvo i finansije i Odjeljenje za javne nabavke Centralnog ureda Centralne banke.

Članak 6.

Ova odluka će se objaviti na web stranici Centralne banke www.cbbh.ba, istovremeno s upućivanjem ponuđačima koji su učestvovali u postupku javne nabavke, u skladu s članom 70. stav 6. Zakona o javnim nabavkama („Službeni glasnik BiH“, broj: 39/14).

O b r a z l o ž e n j e

Postupak javne nabavke robe – firewall za Data centar, putem otvorenog postupka, pokrenut je Odlukom broj: 150-15-4-1754-2/19 SAK od 25. juna 2019. godine.

U skladu s tim, Centralna banka je 16. jula 2019. godine na portalu Javnih nabavki objavila Obavijest o nabavci broj: 1370-1-1-376/19.

U predviđenom roku za dostavljanje ponuda, blagovremeno je dostavljeno pet ponuda, sljedećih ponuđača:

- MIBO komunikacije d.o.o. Sarajevo;

- SAGA NFG d.o.o. Banja Luka;
- Verso d.o.o. Sarajevo;
- KING ICT d.o.o. Sarajevo;
- EMC d.o.o. Sarajevo.

Komisija nadležna za provođenje postupka javne nabavke je izvršila pregled i ocjenu pristiglih ponuda. Komisija je ocijenila da su ponude ponuđača MIBO komunikacije d.o.o. Sarajevo, SAGA NFG d.o.o. Banja Luka, Verso d.o.o. Sarajevo i EMC d.o.o. Sarajevo neprihvatljive.

Ponuda ponuđača MIBO komunikacije d.o.o. Sarajevo je neprihvatljiva jer komisija nije mogla ocijeniti, ispunjavaju li ponuđeni softver za upravljanje i izvještavanje i ponuđeni virtualni firewall za sekundarni datacenter tehničke zahtjeve iz tenderske dokumentacije. Ponuđač se u dostavljanoj komparativnoj tabeli u potpunosti referiše na potvrdu proizvođača, koja nije tražena tenderskom dokumentacijom, dok se tenderskom dokumentacijom traži referenca na priloženu tehničku dokumentaciju, katalog, brošuru ili ispis s web stranice, što ponuđač nije dostavio.

Ponuda ponuđača SAGA NFG d.o.o. Banja Luka je neprihvatljiva iz sljedećih razloga:

- Ponuđač nije dostavio traženi dokaz o uspješnoj realizaciji najmanje dva ugovora u posljednje tri godine, koji imaju veze s predmetom nabavke. Ponuđač nije dostavio spisak izvršenih ugovora, kao ni potvrde druge ugovorne strane, već samo zahtjeve za potvrdom o uredno ispunjenim ugovorima.
- Ponuđač nije dostavio dokaz o angažovanim licima osposobljenima za rad s ponuđenim firewall rješenjima. Ponuđač je dostavio Izjavu o angažovanim licima – Prilog XI tenderske dokumentacije, ali uz izjavu nije dostavio odgovarajuće certifikate za angažovana lica.
- Ponuđač je dostavio nacrt ugovora – Prilog VI tenderske dokumentacije, koji nije potpisan i ovjeren od strane ponuđača, dok je tenderskom dokumentacijom traženo da se dostavi nacrt ugovora, potpisan i ovjeren od strane ponuđača.
- Ponuđač nije dostavio katalog, brošuru, ispis s web stranice i/ili tehnički list kojim se dokazuje ispunjavanje tehničkih karakteristika ponuđene robe, već samo linkove na web stranice, dok je tenderskom dokumentacijom traženo dostavljanje tehničke dokumentacije ponuđene robe uz ponudu, te nije ostavljena mogućnost da ponuđači dostave samo link na web stranicu.

Komisija je ocijenila da je ponuda ponuđača Verso d.o.o. Sarajevo neprihvatljiva, jer ponuđeni firewall za izdvojeni datacenter u Banjoj Luci ne zadovoljava tehničke karakteristike tražene tenderskom dokumentacijom, kada je u pitanju propusnost.

Prema dostavljenoj dokumentaciji, komisija je ocijenila da ponuđeni uređaj Cisco ASA 5508-X, posjeduje sljedeće karakteristike kada je u pitanju propusnost: Throughput FW + AVC + IPS – 250 Mbps (oznake: FW – Firewall, AVC – Application Visibility and Control, IPS – Intrusion Prevention System).

Tenderskom dokumentacijom je traženo da ponuđeno rješenje posjeduje minimalno 250 Mbps propusnosti s uključenom kontrolom aplikacija (Cisco naziv AVC – Application Visibility and Control), IPS zaštitom (Cisco naziv IPS), Antivirus/Antimalware (Cisco naziv AMP – Advanced Malware Protection).

Ponuđeni uređaj Cisco ASA 5508-X ne zadovoljava minimalnu propusnost od 250 Mbps s uključenim navedenim opcijama, jer uključivanjem AMP opcije, a prema Cisco podacima, propusnost se smanjuje za 30%, što bi značilo da s uključenim AMP funkcionalnostima propusnost ponuđenog uređaja iznosi 175 Mbps. Iako Cisco u svojim datasheet brošurama ne iskazuje propusnost s uključenim antivirus/antimalware tj. AMP rješenjem, komisija je istraživanjem javno dostupnih informacija došla do saznanja da se ukupna propusnost može smanjiti za 30% s uključenim AMP tj. antivirus/antimalware funkcionalnošću.

Ponuda ponuđača EMC d.o.o. Sarajevo je neprihvatljiva jer ponuđeni firewall za izdvojeni datacentar u Banjoj Luci ne zadovoljava traženi funkcionalni zahtjev iz tenderske dokumentacije „agregacija linkova“.

Komisija je ocijenila da ponuda ponuđača KING ICT d.o.o. Sarajevo ispunjava sve zahtjeve tražene tenderskom dokumentacijom.

Zapisnikom o pregledu i ocjeni ponuda, broj: 149-15-4-2114-10/19 i Izvještajem o radu s preporukom, broj: 149-15-4-2114-11/19, oba od 7. augusta 2019. godine, komisija je dala preporuku kao u dispozitivu.

Pouka o pravnom lijeku:

Protiv ove odluke može se, u pisanoj formi, uložiti žalba Centralnoj banci Bosne i Hercegovine u roku od deset dana od dana dostavljanja ove odluke.

Predsjedavajući Upravnog vijeća
Centralne banke Bosne i Hercegovine

GUVERNER
dr. Senad Softić



Dostaviti:

- guverneru;
- članovima Upravnog vijeća;
- viceguvernerima;
- Uredu glavnog internog revizora;
- sekretaru Uprave i Upravnog vijeća;
- Odjeljenju za informacione tehnologije;
- Odjeljenju za računovodstvo i finansije;
- Odjeljenju za javne nabavke;
- u spis predmeta;